

Di Alla, di l' Emo è provedador, et di Trento, dil Pizani e Diedo, più letere; questo è il sumario. Dil zonzer 2000 in zercha grisoni, et cavalli 1600, al Chalian; et che se ingrossano. Hanno il ponte fato, passano di là a suo piacer a 100 al trato; non sano *ad quid*. *Item*, hano avisi dil signor di Lodron, è a Castel Roman, esser pocha zente et aver gran fame. Il re a Yspurch; et a di 26 si doveva far certa dieta; vol ajuto *etc.*

Di Riva, di sier Marco Renier, provedador, di 28. Come il capitano zeneral e il provedador Griti erano stati lì; et che todeschi haveano scharamuzà con nostri, amazati alcuni; e il capitano si parti, e andò a dormir a Torbole. *Item*, li è il capitano di la galia e fusta.

183 *Di Alla, di provedadori, di 28.* Come, havendo nostri sospeti, li spagnoli non havesseno intelligentia con todeschi, intravegnando domino Zuan Hemanuel, foraussito di Spagna, era in corte dil re di romani, e altri, e *maxime* hessendo stà scoperti do, per Dionisio di Naldo, spagnoli, che portavano avisi in Agresta *etc.*; et volendo missier Zuan Jacomo licentiar ditti spagnoli, che sono numero sotto 4 capi, et li capi andono da essi capitani et provedadori, dicendo, con gran lacrime, esser innocenti di la calunnia, e voleno avanti morir, cha patir vergogna de infidelità. Et volendo nostri far morir li do presi, l'horo capi li pregono volesse dargeli a l'horo; et cussì tutti armati, in modo di voler combater, reduti essi spagnoli, fenno venir questi do davanti essi capi, et examinati, inteso erano colpevoli, mandati a farli confessar, feno una strada tra l'horo, et ordinò questi do passasse di mezo, e tutti essi, con le lanze e spade, a un trato si li serono a dosso, *adeo* li feno in 100 pezi l'uno; et le teste l'horo messeno sopra do lanze, e le andono a impiantar a presso la Piera, dove sono i nimici *etc.* La qual cosa à bonazà li capitani a non licentiarli, et starano in campo.

Da Milam, dil secretario. Zercha sguizari, sperano averne. *Item*, dil partir dil re da Burges, a di 20, con gran pioza, et sarà a Lion a di 25. *Item*, manda il resto di le zente e fanti di qua.

Di Franza, di l' orator nostro, date a Emoliano, a di 21. Dil partir, a di 20, il re e Roan da Burges per Lion con pioza, e saranno fin 3 zorni a Lion. *Item*, in materia *lige*, si aspeta il formar di capitoli; era zonta risposta di Spagna, et *alia etc.* *Item*, che l' re de Ingaltera steva malissimo e fuora di speranza di vita; *tamen* guarite, come scriverò di sotto.

Fu posto, per li savij, dar la compagnia di 60 homeni d' arme, era dil signor Carlo Malatesta, morto sotto Cadore; dil numero di qual sia cernito 40 homeni d' arme, e dati al signor Pandolfo, suo fradello, con questo, che la $\frac{1}{2}$ dil caposoldo sia dil fiol dil *quondam* signor Carlo, fin l' haverà etade legitima, poi la conduta sia soa. Presa.

Fu posto far, *de presenti*, uno provedador a Butistagno, in loco di sier Francesco Zane, qual fo mandato per il consejo di X, con ducati 40 al mexe, et meni 3 famegij, netti per spexe. Andò do parte: una di far con pena, l'altra senza; fo preso senza pena, di largo. Et fono tolti numero 39; e rimase sier Daniel da Canal, fo a le raxon nuove, *quondam* sier Piero, di anni 70; e la matina refudoe.

Fu posta una letera a sier Zorzi Corner, el cavalier, provedador zeneral, è in Friul, che, cercha il signor Bortolo d' Alviano, concludi fino ai 30 milia, come el pol. *Item*, fazi ferma per 3 anni; e altre particolarità *etc.* *Item*, di balestrieri a cavallo, che l' capitano zeneral ne ha 100, e non dagi più al governador che al capitano per non meter zinzania; e altre cosse, *ut in ea*. La qual letera ave tutto il consejo.

Fu fato certa gratia a uno Dolze, debitor, di pagar di pro'. 183*

Fono electi 3 savij dil consejo ordenarij: sier Zorzi Corner, el cavalier, 146; sier Antonio Trun, procurator, 135; sier Lunardo Mozenigo, 129. Sotto, sier Andrea Griti, 110; sier Zorzi Emo, 96; sier Antonio Loredam, el cavalier *Item*, uno savio a terra ferma, in loco di sier Marco Dandolo, dotor et cavalier, è andado capitano a Brexa, sier Hironimo Querini, con titolo.

Scurtinio di provedador a Butistagno, justa la parte ozi presa.

Sier Antonio Loredam, fo cataver, *quondam* sier Mathio.

Sier Pexaro da cha' da Pexaro, fo sopracomito, *quondam* sier Francesco.

Sier Alexandro Minio, fo cao di 40, *quondam* sier Castelam.

Sier Filippo Badoer, fo sopracomito, *quondam* sier Zuan Cabriel.

Sier Andrea Contarini, fo patron di la barza, *quondam* sier Pandolfo.

Sier Zuam Francescò Venier, fo governador di l'armada, *quondam* sier Moisè.

Sier Marco Querini, fo cao di 40, *quondam* sier Jacomo.